



# Lihle le Lwandle ka Dikgakologo

Tebogo Matshana

Tebogo Matshana





Lihle le Lwandle ba mo Kapa Botlhaba go etela  
ntsalaabone, Lina.

Lina o ba isa go bona ditshese mo lefelong le le  
bidiwang Namaqualand.



Basetsana ba gakgametse.

"A bontlente jwa tlhago. Bonang jaaka lefatshe le galalela, le apesitswe ke mebala e e kganyang ya ditshese," ga bua Lwandle.

Lina a nyeba, "Mo tshimologong ya Dikgakologo, ditshese a mantsi mono a thunya."



Lina a tswelela, “Morago ga pula, le fa dithempereitšha di simolola go tthatloga, ditshese a mela gongwe le gongwe.”

“Mo nakong e khutshwane, lefatshe le le omileng le fetoga go nna masimo a malomo.”



“Ka Dikgakologo, mmaarona o jala dipeo mo tshingwaneng. Ke mang yo o jetseng ditshese mono?” ga botsa Lwandle.

Lina a araba, “Ke ditshese a naga, ga a jalwa ke ope.”



“Namaqualand e na le mefuta e mentsi e e farologaneng ya dijalo, diphologolo, le ditshenekegi,” ga rialo Lina.

“Ke akanya gore lereo la seo ke ‘mefutafuta ya ditshedi’,” Lihle a gakologelwa.

“Mefutafuta-eng?” ga botsa Lwandle.



“Ee, mefutafuta ya ditshedi ke fa go na le mefuta e mentsi e e farologaneng ya ditshedi mo lefelong,” ga araba Lina.

“Mefutafuta ya ditshedi e dira tikologo e e itekanetseng mo tthagong,” ga rialo Lihle.



Basetsana ba feta modisa le dinku tsa gagwe.

“Baaaa!” dinku di a lela.

“Baaaa!” basetsana ba opelela gongwe.

“Dikonyana tse dintsi di tsalwa ka Dikgakologo,”  
ga lemoga Lihle.



“Diphologolo tse dintsi di a tsala ka Dikgakologo,” ga dumela Lina.

“Ke rata bana ba diphologolo! Totatota Dikgakologo di simolola leng?” ga botsa Lwandle.



“Go boima go nepa ditlha,” ga araba Lina.

A tswelela, “Mme ka kakaretso re bona matshwao a ntlha a Dikgakologo mono gaufinyana le Lwetse.”



“Maemo a bosa a simolola go thutafala, le pula e a na,” ga rialo Lina

“Mme, ka nako e khutshwane, sekaka se nna tshingwana ya ditshese a naga,” Lihle a nyeba.

## —Dipotso

1. Lihle le Lwandle ba kwa kae? Batla lefelo la teng mo mmepeng.
2. Ke setlha sefe mo kgannyeng?
3. Go direga eng mo setlheng seno?
4. A Dikgakologo di tshwana kgotsa di farologane le tsa kwa o nnang teng? Tlhalosa.
5. Dijalo di tlhokang gore di gole?
6. O rata setlha sefe thata? Ka goreng?
7. O nagana gore ke goreng setlha se se tlhalositsweng mo setoring se bidiwa Dikgakologo?
8. A o dumela gore mefuta e e farologaneng ya diphologolo le dijalo tse di tshelang mo lefatsheng di dira jang tikologo e e itekanetseng? Tlhalosa.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



**basic education**

Department:  
Basic Education  
REPUBLIC OF SOUTH AFRICA

*The Ulwazi Lwethu readers and storybooks have  
been quality assured and approved by DBE.*

Your attribution should include the following:

Title: Lihle le Lwandle ka Dikgakologo

Author/s: Tebogo Matshana

Illustrator/s: Tebogo Matshana

Assurer/s: Opelo Thole, Dineo Moatshe

Language: Setswana



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

